

SAMÞYKKT

um kjör fulltrúa í Ásahreppi og greiðslur fyrir nefndarstörf

I kafli

1. gr.

Markmið

Markmið með ákvörðun um kjör fulltrúa er að fulltrúar fái sanngjörn laun fyrir störf sín í þágu sveitarfélagsins sbr. 25. gr. samþykktar um stjórn og fundarsköp Ásahrepps, og njóti kjara sem eru sambærileg við það sem gerist á hinum almenna vinnumarkaði, sambærilegum sveitarfélögum og ríkinu.

Að kjör fulltrúa séu gagnsæ og endurspegli störf þeirra og ábyrgð.

2. gr.

Skilgreiningar

Samþykkt þessi fjallar um hreppsnefndarfulltrúa Ásahrepps og varamenn þeirra sem kjörnir eru í almennum sveitastjórnarkosningum. Enn fremur um fulltrúa í nefndum sveitarfélagsins og varamenn þeirra:

- a) Hreppsnefnd
- b) Fastanefndir
- c) Aðrar nefndir og stjórnir
- d) Sérstakar nefndir hreppsnefndar og fundarsetur sem ekki falla undir ofangreint

Almenn skilgreining á fundi er sú að löglega sé til hans sé boðað samkvæmt samþykkt um stjórn og fundarsköp Ásahrepps, með dagskrá og að rituð sé fundargerð sem skilað er til hreppsnefndar.

II. kafli

Um starfskjör hreppsnefndarfulltrúa

3. gr.

Grunnlaun hreppsnefndar

Hreppsnefndarfulltrúar þiggja föst laun fyrir störf sín fyrir sveitarfélagið sem nemur kr. 88.096 á mánuði.

Varamenn í hreppsnefnd fá kr. 44.048 fyrir hvern setinn fund.

Oddviti hreppsnefndar fær laun fyrir önnur störf sín í þágu Ásahrepps, samkvæmt samþykkt hreppsnefndar í upphafi kjörtímabils.

Launafjárhæð skal uppreiknuð þann 1. janúar ár hvert og í fyrsta skipti 1. janúar 2019 og þá skal miða við breytingu launavísitölu frá 8. ágúst 2018.

4. gr.

Laun í orlofi

Hreppsnefndarfulltrúar skulu fá greidd laun á meðan sumarleyfi hreppsnefndar stendur.

5. gr.

Hreppsnefndarfulltrúi hverfur úr hreppsnefnd

Greiðslur falla niður við lok kjörtímabils eða þegar hreppsnefndarfulltrúi hverfur úr hreppsnefnd af öðrum ástæðum.

6. gr.

Fundir ráðstefnur, málþing og fleira sem varðar hagsmuni sveitarfélagsins almennt

Aðalmönnum í hreppsnefnd er heimilt að sækja um greiðsluþátttöku sveitarfélagsins vegna þátttöku á fundum, ráðstefnum, málþingum eða öðrum viðburðum sem snerta viðfangsefni hreppsnefndar.

Greiðsluþátttaka sveitarfélagsins er að hámarki kr. 22.024 fyrir hvern fulltrúa og er kostnaður greiddur að höfðu samráði við sveitarstjóra.

Viðmiðunarfélag skal uppreiknuð þann 1. janúar ár hvert og í fyrsta skipti 1. janúar 2019 og þá skal miða við breytingu launavísitölu frá 8. ágúst 2018.

7. gr.

Starfsaðstaða sveitarstjórnarfulltrúa

Hver hreppsnefndarfulltrúi skal fá ferðatölvu til afnota til móttöku og meðferðar á skjölum tengdum störfum hreppsnefndar og sem notuð verður á fundum hennar. Tölvurnar eru með netkortum og uppsettum pósthúsum svo þær geti tengst internetinu og tekið á móti og sent tölvupóst. Tölvurnar skulu búnar helstu Office forritum. Sveitarfélagið sér um eðlilegt viðhald og uppfærslur þessara tölva. Hreppsnefndarfulltrúar afhenda sveitarfélaginu þessar tölur þegar þeir láta af starfi, einnig býðst þeim að kaupa tölvurnar á sanngjörnu verði.

III. kafli

Laun fyrir nefndarstörf

8. gr.

Laun fyrir nefndarstörf skv. 2. gr.

Fyrir hvern setinn fund fá aðalmenn greidd laun sem nemur kr. 22.024 og formenn nefnda kr. 33.036. Varamenn fá greitt kr. 22.024 fyrir hvern setinn fund. Skipi varamaður formannssæti á fundi skal hann fá greidd formannslaun fyrir setu sína á fundi.

Fjárhæð launa skal uppreiknuð þann 1. janúar ár hvert og í fyrsta skipti 1. janúar 2019 og þá skal miða við breytingu launavísitölu frá 8. ágúst 2018.

Formenn nefnda hafa heimild til þess að sækja um kostnaðarþátttöku úr sveitarsjóði, til hreppsnefndar, vegna þátttöku nefndarfulltrúa í áriðandi fundum eða þingum vegna þeirra málefna sem þær hafa á sinni málefnastrá.

9. gr.

Laun fyrir setu í nefndum, ráðum og stjórnnum á vettvangi samstarfs sveitarfélaga

Þóknun fyrir setu í nefndum og stjórnnum á vettvangi samstarfs sveitarfélaga er greidd af viðkomandi samtökum, nema um annað sé samið sérstaklega.

10. gr.

Laun kjörstjórnar

Fyrir setu í kjörstjórn er greitt skv. tímagjaldi fyrir unnar klukkustundir. Laun fyrir formennsku í kjörstjórn er 5.169 kr. per klst. Laun annarra kjörstjórnarfulltrúa er 3.245 kr. per klst. Kjörstjórn fær greitt fyrir undirbúning, vinnu á kjördag, frágang kjörgagna og skýrslugerð að kosningum loknum. Launafjárhæð skal uppreiknuð þann 1. janúar ár hvert og í fyrsta skipti 1. janúar 2019 og þá skal miða við breytingu launavísitölu frá 8. ágúst 2018.

IV. kafli

Önnur ákvæði

11. gr.

Námskeið og símenntun

Æskilegt er að kjörnir fulltrúar sækji sí- og endurmenntun er tengjast störfum þeirra fyrir sveitarfélagið. Leita þarf samþykkis hreppsnefndar vegna kostnaðar sem hlýst af námskeiðssókn kjörinna hreppsnefndarfulltrúa, falli kostnaður utan fjárhagsáætlunar. Sækja skal um til hreppsnefndar með góðum fyrirvara og skal samþykki hennar liggja fyrir áður en til útgjalda er stofnað.

12. gr.

Um ferðir og gistingu

Akstur kjörinna fulltrúa í þágu sveitarfélagsins er einungis greiddur eftir akstursbók eða reikningi. Fulltrúar fá greiddan akstur til og frá fundarstað utan sveitarfélagsins. Greitt er fyrir hvern ekinn km samkvæmt akstursgjaldi ríkisstarfsmanna sem ferðakostnaðarnefnd fjármála- og efnahagsráðuneytisins gefur út. Ávallt skal leitast við að ferðast á sem hagkvæmastan hátt, t.d. með því að samnýta farartæki. Ekki er greitt fyrir upphald og gistingu nema slíkt sé óhjákvæmilegt vegna fyrirkomulags þess atburðar sem viðkomandi er falið að sækja og þarf þá að leita samþykkis hreppsnefndar áður en til kostnaðar er stofnað.

V. kafli
Gildistaka og endurskoðun

13. gr.

Gildistaka

Samþykkt í hreppsnefnd Ásahrepps 12. september 2018.